

Ilinniakkap naammassereernerata kingorna nuna najugaq


Ilinniakkamik naammassinnittartut amerliartortillugit, nunamut allamut ilinniariartut aallartartut aamma amerliartorput. Pingaartumik ingerlariaqqiffiusumik ilinniarfinni ilinniartut aallartarput, nunatsinni ilinniakkat amerlasuut ingerlanneqarsinnaanngimmata. 2003-miit nunami allami ingerlariaqqiffiusumik ilinniakkamik aallartitsisartut 2021-mi amerlassusaat 2 pct.-imik apparsimavoq.

2021-mi ingerlariaqqiffiusumik ilinniakkamik ingerlatsisut tamakkerlutik 26 pct.-ii nunami allami ilinniartuupput. Ilinniakkap naammassereernerata kingorna ilinniartut ilaat angerlartarput, ilaalli nunani allaniiginnartarput.

Nunani allani ilinniartut

Piffissami 2003-miit 2021-mut inuussutissarsiornermi ilinniakkamik naammassinnereernerup kingorna ukioq siulleq ilinniartut agguaqatigiissillugu 63 pct.-ii suli nunani allani najugaqarput. Taakkunannga 21 pct.-it ingerlariaqqillutik ilinniartuupput. Amerlanertigut ilinniartut bachelorinnngorniarnermik naammassinnereernerup kingorna kandidatinnngorniarnermik ilinniaqqittarput. Titartagaq 1.-imittaaq takuneqarsinnaavoq ilinniakkamik naammassinnereernerup kingorna ukiuni siullerni marlunni ingerlariaqqiffiusumik ilinniakkanik ingerlatsisut amerlanerusut. Ingerlariaqqiffiusumik ilinniakkanik ingerlatsisut annertussusaata appariartornerani nunatsinnut utertartut annertussusaat qaffakkiartorpoq.

Titartagaq 1. Nunami allami ilinniakkap naammassereernerata kingorna ukiut 1-10 qaangiunnerini nuna najugaq, 2003-2021



Nalunaarut: inuussutissarsiornermi ingerlariaqqiffiusumillu ilinniakkat kisimik pineqarput.

Najoqqutaq: Naatsorsueqqissaartarfik – Kisitsisaataasivimmi kisitsisit takukkit (<https://bank.stat.gl/UDNBD1>)

Nunami allami ilinniakkamik naammassinnereernerup kingorna ukiuni siullermi ilinniartut 37 pct.-ii Kalaallit Nunaanni najugaqarput. Nunatsinnut utertartut najugaqalersartullu annertussusaat ukiuni tulliini


qaffakkiartortarput. Ilinniakkamillu naammassinnereernerup kingorna ukiut arfineq-pingasut qulingiluallu qaangiunnerini amerlanerpaallutik. Tassani nunami allami ilinniakkamik naammassinnereernerup kingorna ilinniartut agguaqatigiissillugu 56 pct.-ii Kalaallit Nunaanni najugaqarput.

Kalaallit Nunaannut utertartut annertussusaat taamaaginnarpoq

Piffissaq sivisooq najoqqutaralugu sanilliussinermi, ukiut tamaasa nunami allami ilinniakkamik naammassinnittartut amerlannginnerat eqqumaffigineqartariaqarpoq. Nalunaarsuutit ukiuni ataasiakkaani nikerarnernut qajannaannerulersinniarlugit ukiut pingasukkaarlugit agguaqatigiissitsinerit atorneqarput.

Ukiut kingullit ingerlanerini nunami allami ilinniakkamik naammassinnereernerup kingorna Kalaallit Nunaanni najugaqalersartut annertussusaat annertuumik allannguuteqarsimanngilaq. Ilinniakkap naammassereernerata kingorna ukiut siulliit 1-2 ingerlanerini annikitsunik assigiinngissuteqartoqarpoq. Ukiulli pingajussaanniit naligiileqqittarput. Taamaattumik nunanut allanut ilinniariarlutik nuuttartut amerlanerulerualuartut, angerlamut utertartut annertussusaannut tamanna sunniuteqanngilaq.

Titartagaq 2. Nunami allami ilinniakkap naammassereerneranit Kalaallit Nunaanni najugallit annertussusaat; 2005-imiit 2016-imut ukiut pingasukkaarlugit naatsorsukkat




Nalunaarut: inuussutissarsiornermi ingerlariaqqiffiusumillu ilinniakkat kisimik pineqarput. Najoqqutaq: Naatsorsueqqissaartarfik – Kisitsisaataasivimmi kisitsisit takukkit (<https://bank.stat.gl/UDNBD1>)

Kalaallit Nunaanni ilinniartut

Ilinniartut Kalaallit Nunaanni inuussutissarsiornermi imaluunniit ingerlariaqqiffiusumik ilinniarnermik naammassinnissimasut nunami allami ilinniakkamik naammassinnissimasuniit amerlanertigut Kalaallit Nunaanniiginnartarput. Ukiullu qulit qaangiunnerini agguaqatigiissillugu 89 pct.-ii suli tamaani najugaqarput. Ilinniareernerulli kingorna nunatsinniiginnartartut annertussusaat ukiuni tamani appariartorpoq.

Titartagaq 3. Kalaallit Nunaanni ilinniakkap naammassereerneranit ukiut 1-10 qaangiunnerini Kalaallit Nunaanni najugallit annertussusaat, 2003-2021



Nalunaarut: inuussutissarsiornermi ingerlariaqqiffiusumillu ilinniakkat kisimik pineqarput.

Najoqqutaq: Naatsorsueqqissaartarfik – Kisitsisaataasivimmi kisitsisit takukkit (<https://bank.stat.gl/UDNBD1>)

Eqikkaaneq

Tabel 1. Ilinniartut nunami allami ilinniakkamik naammassinnissimasut amerlassusaat, 2011-2021

| | 2011 | 2012 | 2013 | 2014 | 2015 | 2016 | 2017 | 2018 | 2019 | 2020 | 2021 |
|-------------------------------------|------|------|------|------|------|------|------|------|------|------|------|
| Inuussutissarsiornermik ilinniarneq | 22 | 10 | 21 | 17 | 20 | 21 | 23 | 30 | 21 | 29 | 17 |
| Ingerlariaqqiffiusumik ilinniarneq | 58 | 82 | 87 | 80 | 75 | 90 | 117 | 111 | 96 | 94 | 84 |
| Katillugit | 80 | 92 | 108 | 97 | 95 | 111 | 140 | 141 | 117 | 123 | 101 |

Tabel 2. Ilinniartut nunami allami ilinniakkamik naammassinnereernerup kingorna ukiut 1-10 qaangiunnerini Kalaallit Nunaanni najugallit amerlassusaat, 2011-2021

| | 2011 | 2012 | 2013 | 2014 | 2015 | 2016 | 2017 | 2018 | 2019 | 2020 | 2021 |
|------------------------|------|------|------|------|------|------|------|------|------|------|------|
| Ukioq siulleq | 32 | 30 | 44 | 41 | 30 | 46 | 46 | 54 | 37 | 52 | 35 |
| Ukiut marluk | 36 | 34 | 51 | 40 | 39 | 53 | 56 | 59 | 47 | 55 | 0 |
| Ukiut pingasut | 42 | 40 | 50 | 48 | 42 | 56 | 59 | 66 | 57 | 0 | 0 |
| Ukiut sisamat | 48 | 41 | 57 | 51 | 50 | 65 | 67 | 69 | 0 | 0 | 0 |
| Ukiut tallimat | 45 | 43 | 57 | 52 | 47 | 68 | 74 | 0 | 0 | 0 | 0 |
| Ukiut arfinillit | 47 | 46 | 56 | 50 | 50 | 69 | 0 | 0 | 0 | 0 | 0 |
| Ukiut arfineq-marluk | 45 | 42 | 57 | 52 | 53 | 0 | 0 | 0 | 0 | 0 | 0 |
| Ukiut arfineq-pingasut | 50 | 46 | 60 | 53 | 0 | 0 | 0 | 0 | 0 | 0 | 0 |
| Ukiut qulingiluat | 50 | 49 | 64 | 0 | 0 | 0 | 0 | 0 | 0 | 0 | 0 |
| Ukiut qulit | 52 | 49 | 0 | 0 | 0 | 0 | 0 | 0 | 0 | 0 | 0 |

Periaaseq

Siunertaq

Nunatsinni ingerlariaqqiffiusumik ilinniakkat amerlanngillat, taamaattumillu ilinniartorpassuit ilinniassallutik nunanut allanut aallartarput. 'Ilinniakkap naammassereernerata kingorna nuna najugaq' saqqummersinneqarnerani siunertaavoq ilinniartut nunami allami ilinniakkamik naammassinnereernerup kingorna Kalaallit Nunaannut utertartut annertussusaasa ineriartorneranut malinnaanissaq. Kisitsisitigullu paasissutissat nunatsinni inuussutissarsiornermi imaluunniit ingerlariaqqiffiusumik ilinniakkamik naammassinnissimasunik ilaneqarput.

Nalunaarsuutit tunngaviusut

Ilinniakkanut ingerlanneqartunut ilinniakkanillu ingerlatsisunut kisitsisitigut nalunaarsuisarfinit nalunaarsuutit atornerarput, kiisalu piffissami 2003-miit ullumikkumut inunnik nalunaarsuisarfimmit nalunaarsuutit. Ingerlariaqqiffiusumik ilinniakkani ilinniaqqiffiit naatsut, bachelorinngorniarnert/professionsbachelorinngorniarnert kandidatinnorniarnertillu pineqarput.

Periaaseq

Ilinniartut ilinniakkamik naammassinnissimasut nalunaarsuutaat ulloq 31/12 tunngavigalugu nunani allani ilinniakkamik ingerlatsisut nalunaarsuutaannut kiisalu inunnik nalunaarsuisarfimmi ulloq 1/1 nalunaarsuutitut ataatsimoortillugit ingerlatinneqarput.

Ukiumi x-imi ilinniakkap naammassereernerata kingorna ukiumi siullermi, inunnik nalunaarsuisarfimmi ukioq x 1-imi ilallugu (+1) naatsorsorneqarpoq, ilinniartunullu ilinniakkamik ingerlatsisunut ukiup x-ip naanera tunngavigalugu naatsorsorneqarluni.

Nunamut najukkamut naatsorsuineq:

Kalaallit Nunaanni Inunnik nalunaarsuiffimmi nalunaarsorsimasut nunamili allami ilinniakkamik ingerlatsisutut nalunaarsorsimannngitsut.

Nunami allami Inunnik nalunaarsuiffimmi nalunaarsorsimannngitsut, ilinniakkamillu ingerlatsisutut nalunaarsorsimannngitsut.

Nunami allami
– sulii ilinniartut Nunami allami ilinniakkamik ingerlatsisutut nalunaarsorsimasut.

Inunnik nalunaarsuiffimmi nalunaarsorsimannngitsut aamma toqoreersimasinnaapput. Taamaattoqartillugu nunami allami najugalittut kisitsisini ilaatinneqarput.

Naatsorsuineq

Ilinniakkap naammassereernerata kingorna nunamut najukkamut kisitsisitigut paasissutissat ilinniakkamik naammassinnereernerup kingorna ukiut 1-10 qaangiunnerini Kalaallit Nunaanni, nunami allami imaluunniit nunami allami ilinniaqqillutik najugalinnik naatsorsuineruvoq. Kisitsisinilu nunami allami aammalu Kalaallit Nunaanni inuussutissarsiornermi ingerlariaqqillunilu ilinniakkanik ingerlatsisut katillugit naatsorsorneqarput.

Killiliinerit erseqqissagassallu

Ukiut ataasiakkaat tunngavigalugit sanilliussinermi, ukiut tamaasa nunami allami ilinniakkamik naammassinnittartut amerlannginnerat eqqumaffigineqartariaqarpoq.

Inuk ataaseq naatsorsuutini arlaleriarluni ilaasinnaavoq. Assersuutigalugu ilinniartooq 2010-mi bachelorinngorniarnermik naammassinnissimaguni kingornalu 2012-imi kandidatinnngorniarnermik naammassinnissimalluni.

Siornatigut saqqummersinneqartumi inuussutissarsiornermik ilinniarnermut ilanngunneqartarsimapput "Merx I" aamma "Merx II". Saqqummersitami 2021 aallarnerfigalugu inuussutissarsiornermik ilinniarnermut ilanngunneqassaarput taamaattumik "Merx I"-imik aamma "Merx II"-mik naammassinnittut kisitsisitigut paasissutissanut ilanngunneqassaassapput.

Ilisarnaatinut nassuiaatit:

... Paasissutissat pigineqanngillat

.. Paasissutissat nalunaarsussallugit qularnarpallaarput mianersuuttariaqarpulluunniit

. Suliap pissusia tunngavigalugu kisitsisit saqqummersinneqarsinnaanngillat

0 Uuttuutigineqartup affaanit minneruvoq

- Nul

* Kisitsisaagallartoq kisitsilluunniit eqqoriarneqartoq

Saaffiginniffissaq

Samo Nielsen

E-mail: snie@stat.gl

Ilinniartitaaneq

Naatsorsueqqissaartarfik

Postboks 1025 · 3900 Nuuk

Oqar.: +299 34 57 70

www.stat.gl · e-mail: stat@stat.gl

